

卷五

書名 事物紀原二十卷 正統九年序刊本
 撰者 宋 高承 撰, 明 陳華等 校
 卷五
 內容分類 子-類書 彙考 宋
 索書號 子部-類書-15
 編號 C5923100

彩色首頁1

東洋文化研究所漢籍目錄 編號: C5923100
 東洋文化研究所漢籍目錄所藏漢籍善本全文影像資料庫 索書號: 子部-類書-15
 漢籍善本全文影像資料庫文本 事物紀原二十卷 正統九年序刊本
 版權所有: 東京大學 東洋文化研究所
 使用上的注意事項

事物紀原卷之一上

漢陽府推官 建安陳華批點
 致仕教諭南平趙弼校正

(天地生植門)

列子曰太易者氣之未見也太初者氣之始也
 始者形之始也太素者質之始也形氣質具而
 離故曰渾淪高氏小史曰太易氣象未分太初
 象始萌太始氣象初端太素形氣變質太極形
 質已具然則元氣之始自太初也徐整三五曆紀




事物紀原卷之五

漢陽府推官建安陳華批點
致化教諭南平趙弼校正

輿駕羽衛門

輿駕羽衛門
圖輿及轂子曰車駕行羽儀導護之。鹵簿自秦漢始有其名。後漢胡廣曰天子出行則具鹵簿。鹵大楯也。所以扞敵。其部伍之次皆著於簿。獨以鹵為名者行道之時甲楯居外。餘兵在內。故但言鹵簿也。五禮精義曰。鹵大楯也。以大楯領一部之人。故名鹵簿。



西京雜記漢朝輿駕有象車鼓吹十三人。居中道。晉輿
象車曰象車。漢鹵簿最在前。通典曰。晉武帝太康中平
吳南巡。敕制象。詔作大車駕之。使越人騎。大駕行則先
試橋梁。宋朝會要曰。漢鹵簿象最在前。晉作大車駕之
以試橋梁。宋朝象亦居先。設木蓮花。坐金蓋。業然則象
之先導。自漢始也。

正衙法座。香水為之。加有金飾。四足謂之駕
頭。每車駕出幸。則使老內臣馬上抱之。

春秋時。晉有候正。主斥候。又有原候。候奄。則虞候之

名。蓋始于此。唐宋時設此官。名同而職異。

鷹 漢百官表曰。少府官屬。秦有左七。武帝太初元年。更為被飛。呂氏春秋曰。荆有茲非。渡江兩蛟。逸舟茲非。拔劍殺之。荆三任以執圭。後世以為勇力之官。茲依音相近。師古曰。取男子力以名官。亦取其便利輕捷。故號飲飛。今大駕鹵簿。設此二官。

白鷺 宋朝會要曰。隋所作也。一名鼓吹車。車柱杪刻木為鷺。鷺喙為毛筒。

鷺 通典曰。鷺旗車。漢制也。宋朝會要曰。漢為前車上

載赤旗。繡鷺於上。景祐五年。重制此旗。赤質繡鷺。載以車也。

金根 古今注曰。秦制也。秦併天下。閱三代之輿服。謂商得瑞山車。一曰金根。故作金根之車。乃增飾而乘御。大戴禮曰。昔成湯郊祀。因有山車之瑞。亦謂桑根。秦謂金根。即商輅矣。

羊車 宋朝會要曰。古輦也。亦為登輪車。駕以牛。景祐五年。賈昌朝上言。羊車本漢晉之代。乘于後宮。隋大業中。增金寶之飾。駕以小駟。馭以中童。自是以來。遂為法。後宋

緩議引後漢劉熙釋名曰羸車羊車各以其駕名之按隋禮儀志曰漢世之車或以人牽或駕乘下馬此乃漢代已有晉武偶取乘於後宮非特為掖庭制也然則羊車乃漢儀非晉武始也

豹尾古今注曰周禮也所以象君子豹變尾者謙也古軍正建之今惟乘輿得建通典曰漢制大駕法駕出則屬車最後一乘懸豹尾宋初會要曰唐貞觀之後始加此車於鹵簿內

屬車周末諸侯有二車即屬車也亦周制秦併六國增其車服設有八十一乘

駕馬黃帝服牛乘馬則馬駕之初也至陶唐氏始乘形車白馬則齊毫之始也通典以堯乘白馬為駕馬之始

六馬史記曰秦并天下自以水德故始駕六馬按夏書五子之歌曰若朽索之御六馬是則六馬夏后已然矣非自秦始皇也記曰天子駕六馬諸侯四大夫二士一春秋公羊說皆云

大安輦宋乾興元年九月禮儀院奏奉聖旨製造皇太后御座擔子乞詳定制所稱名目詔以大安輦為名



輦通典曰。夏后之末制輦。商曰胡奴車。周曰輜車。隋制輦而不施輪。以人荷之。注云。人牽為輦。釋義曰。秦始皇去其輪。以人荷之。漢代遂為人君之乘也。

旗旒采章門

幟

幟。幟。古今注云。漢京兆河南尹執金吾。司隸校尉。皆

使馬前導引。傳呼使行者止。坐者起。四人持角弓前走。有乘高窺瞰者。皆射之。魏設而不用。今鹵簿又以幟。而不以弓。亦施而不用。行則居前。由魏始也。幟者車上張

車幅

古今注曰。棒也。漢時執金吾以銅飾棒兩頭。塗以黃

金。御史大夫司隸校尉亦得執之。一云形如車幅。故名也。

警

警。周禮夏官隸掌警蹕。注謂止行者。自漢以來。天子出

稱警。入稱蹕。所以戒止行徒也。秦制出軍者皆警。戒入

國者皆蹕。止。故云出警。入蹕也。一云蹕者路也。謂行者

警於路也。蓋周制。

團扇

宋朝會要曰。本漢世長柄扇。宋孝武時詔王侯障扇

不得用雉尾。故公以下有團扇。自此始。

節

周禮地官之屬掌節。有玉角龍虎符璽等。節。漢又有旄

節之制筆談曰。古節如今虎符。其用則有珪璋龍虎之別。漢人有持節。乃旌節也。然則節自周始。而旌節則起於漢也。

華蓋 古今注曰。黃帝戰蚩尤。常有五彩雲氣。金枝玉葉。止於帝上。如花葩之形。故作華蓋。今殿中寶蓋是也。

旌 管子曰。舜有追善之旌。則旌起於舜矣。
曲蓋 古今注曰。武王伐紂。大風折蓋。太公因作折蓋之形。故制曲蓋。

事物紀原卷之五

事物紀原卷之六

漢陽府推官建安陳華批點
致仕教諭南平趙弼校正

(冠冕首飾門)

冠 三禮圖曰。緇布冠。冠之始也。通典曰。上古衣毛帽。皮巾。古聖人見鳥獸冠角。乃作冠。黃帝始用布帛。六帖曰。孔子作緇布冠。

冕 通典曰。黃帝作冕。垂旒。目不邪視也。充纁於耳。不聽邪言也。應劭曰。周始垂旒。杜佑曰。宋更名平天冠。今人亦